

دائرة مخصوصه

در سعادتمند بآب عالی جوارنده

محل اداره :

مشرط القلم

اخطار :

مسلكمزه موافق آثار جديده مع المنونيه
قبول اولنور

درج ابدله بن آثار اعاده اولنور

ديره، فلسفه، علوم، حقوق، ادبيات و سياست و باطلاحه كرك سياسى و كرك اجتماعى و مدنى احوال و شئون اسلاميه و نه بحث ايد و هفته ده بر نشر از انور.

آبونه بدلى

سنه لى

التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرائق

صاحب و مؤسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتمند نسخه سى ۵۰ پاره در

قيرلهدن مقوا بورو ايله كوندريلىرسه سنوى

۲۰ غروش فضله آلنير

عالم ایچون خفیف بر جزا ویرلمکده اولدیغندن جانیلر جساترلنمکده و تزید مظالم و جنایت ایلکده درلر .

کریده کی عنصر اسلامک ناموس و جانی و مال و منالی صیانت ایتکی رسماً درعهده ایدن دول حامیه ایلر حکومت عثمانیه بومظالم مدهشینی اورته دن قالدیروبده برسد نماعت چکمه شتاب ایتدکاری حالده آزمدت ظرفنده کریده عنصر اسلامدن اثر قالیه جغنی، زمان و جنایات متسلسله و مشهوده اثبات ایلش و ایلکده در .



انتباه اسلام علیهنه

روسیه داخیه نظارتک ناشر افکاری اولان «روسیه» غزته سی صوک نسخه لرندن برنده «مسلمانلر آراسنده حرکت» عنوانیه اوزون بر مقاله نشر ایتش و بونک اقسام مهمه سنی قزانی «یولدر» رفیقمز ترجمه ایلشدر . مقاله بالجله مسلمانلر طرفدن کمال اعتنا و دقتله اوقومیه شایان اولدیغندن ، بزده «یولدر» دن اقتباسه لزوم کورپورز :

«مسلمانلرک مشهور محررلرندن اسماعیل بک غاسپرینسکی ، قاهرده نشر ایتدیکی «النهضه» غزته سنده مصرده طویلانیه حق «مؤتمرالاسلام» دن بحث ایدرکن : «ای عالم اسلام ، سنده حیات واری ؟ حیاته یکی بر مدنیت ده طوغدیرده جقمیسک ؟ ای تجدد پروران ، بکا جواب ویریکز !» دیه ندا ایلشیدی . بوندا جوابسز قالمادی ؛ چیندن فاسه ، مصردن اوفایه قدر عالم اسلام قیملاندی ، اسلام اویاندی ، اسلام یکیدن طوغدی ، اسلام طریق تجدد آفاق باصدی ، بوکا ، اسلام محررینی ، مسرور و دلشاد ، باغرشورلر . کتاب ورساله لر نشر اولنیور ، غزته و مجموعهلر بری برلرینی ولی ایدیورلر . بو حرکت ، روسیه یه تابع اوتوز میلیون نفوسلی اسلام عالمنده اک زیاده اظهار شدت ایدیور : قافقازده ، قریمده ، وولغا حوضه سنده ، مسلمانلر نشر معارفه ، اتحاد مدنی یه فوق العاده بر غیرتله چالشیورلر . بو حرکتک غایه سی نه اوله حق ؟

بو سوآله ، بر محله دینه ده یازی یازان پیسقبوس آلکسی ، بک واضح و بک طوغری اولان شو جوابلری ویریور : «صوک اوچ سنه ظرفنده ، مسلمانلر آراسنده ظهور ایدن حرکات سیاسیه واجتماعیه دائر ، فرانسز انکلیز منابعندن آلدیغمز معلوماته نظرآ ، مسلمانلرک غایه مقصدلری بوتون عالم اسلامی تورک سنجاغی آلتنده جمع و توحید ایدرک اتحاد اسلام فکرینی قوه دن فعله اخراج ایلک اولدیغنه تماماً قانع .» بو مسأله ده صاحب اختصاص اولان پیسقبوس جنابلرینک سوزلری بک چوق تفکره لایقدر . باخصوص پیسقبوس جنابلرینک سوزلرینی اثبات ایدن وقایع و وثائقده اورته ده مینولدر : ۱۹۰۷ سنه سی طهرانده بر بیاننامه طاغیدیلشیدی . بویا - نامه ده «حب الوطن من الایمان... مستقل وطنه مالک اولمایان مسلمانلر ، وطنلری اولان مسلمانلرله وطنلری غصب اولنش مسلمانلر توحید مساعی ایله یهرک چالیشمالیدرلر .» دینلوریدی . بالجله مسلمانلری

برلشدریمک فکری ، «مؤتمرالاسلامی» عام «ک نظامنامه سنده ده منظوردر .

واقعا محررین اسلامیه آراسنده بعض معتدل الفکر اولانلرده موجوددر . بونلر اتحاد اسلامک صرف جهت معنویه و اخلاقیه سیله اکتفا ایدرلر و اتحاد اسلامه مقاصد سیاسیه قاریشدیرمه یی معقول بولمازلر . لکن اعتدال پروران ، مع التأسف ، موفق اولامیورلر ، غلبه اولکیلر طرفنده در .

اتحاد اسلام طرفدارلرینک مقصدلرندن بری اسلامی شکل اولته ارجاع ایلکدر . اسلام ، پیغمبر زماننده نه روحده بولنش ایسه ، او روحی اعاده ایتک ایتدیورلر . لکن اسلام حال ابتدائیسنه دونک دیمک ، خرسیتانغه ، خرسیتان فن ، صنعت و ادبیاتنه دشمن اولمق دیمکدر ، تعبیر دیگرله تبعه مسلمه سی اولان حکومتلر علیهنه بوتون او مسلمانلری قیام ایتدیریمک دیمکدر . هر قدر ، اتحاد اسلامچیلر ، بزیدنداشلریغری اوروپا بویوندیریغندن قورتارمه یه و آنحق بونک ایچون برلشدریمیه چالشیورز ، دیورلرسده ، بوسوزلری طوغری دکدر ، اصل مقصدلری بوتون بی بشری هلاک تحت حکمنه آلمقددر . مسلمانلرک ژاپونیا ، چین و هندستانه تعرض دینیلری هپ بو مقصدله در . اتحاد اسلامچیلر ، اوروپایه تعرض ایتک بیلر ایتترلرسده اوروپانک قوه ماده سینی ایی بیلدکارندن ، صاحبی اختیار ایدرک مسیونرلکله اکتفا ایلورلر .

مسلمانلر ، ژاپونیانک اهتداسنه چوق اهمیت ویریورلر . بو باده ، اسلاملر آرسنه طاغلمش نظریات سیاسیه بیلر وارددر . مثلاً قزاندن منتشر بر مسلمان غزته سی «ژاپونلرک اسلامی قبوللری بک محتملددر ، زیرا دین اسلام ، آسیا اقوامنک قلبنه قولای یرلشن بر دیندر . بوندن باشقه دین اسلام ، ژاپونیا یه بویوک بر سیاسی قوت دخی بخش ایلرجه کدر .» دیوردی . اتحاد اسلام حرکتک باشنده بولمق املی ، ژاپونیا یی قبول اسلامه بیلکده تشویق ایدر . شمیدین بونک بعض امارهلرینی کورپورز : بر قسم ژاپونلر اسلامی قبول ایتشلردر ، و ژاپونیا حکومتی هر مناسبتدن بالاستفاده ، کندیسک محب اسلام ، حتی حامی اسلام اولدیغنی اعلان ایلکده در .

اتحاد اسلامچیلرک سعی و اجتهادلری بزم روسیه ده ثمره سز قالمادی : تاتارلریمز اویقودن اویانوب طریق ترقی و تمدنه آفاق باصار باصهار معارفی تورکیه یه تقرب ایچون بر آلت اتخاذ ایلدیلر . کیم نه لسانده قونشورسه ، اولسان صاحبک خادمی اولور . بو حقیقتی مکمل بیان اتحاد اسلام مجاهدلری ، مکتب و کتابلر واسطه سیله دیلرینی برلشدریمیه غیرت ایلکده در . هر یرده مشترک تورک دینلی تدریس و تعمیم ایدیورلر . روسیه تاتارلری لسانلرینی عثمانی تورکلری ایلر توحیده چالیشدقلری کی ، تاتار و تورکلرک عرقاده بر اولدقلرینی آکلاته رق ، تاتارلری ملیت جهته سندن ده تورکلرله برلشدریمیه اوغراشیورلر . بونکچوندرکه روسیه ده منتشر تاتار غزته لری ،

روسایه ، روسیه ایله تقریبه دلیل اوله بیله جک هر فکری ، کندلرندن اوزاق بولندریورلر .

روسیه مسلمانلری بونکله ده قالمیورلر ؛ نسلداش خرسستیانلری تاتارلاشدیرمه یه و مسلمانلاشدیرمه یه صوک درجه غیرت ایدیورلر . اوچ سنه ایچنده قرق بیک خرسستیانی حوزه اسلامه ادخال ایلدیلر . بونلری ترغیب ایچون ، « روسیه ایچنده قوی براسلام پادشاهلری وجوده کله جک » دیه اشاعته بولنه حق قدر جرأت کوستریورلر .



آلمانیا - انکلتزه مناسباتی

و

اسلامیت

پروسیا مجلس مبعوثانی اعضاسندن (قوم رات) اخیراً موسیو آسقویت طرفندن ایراد اولان انشلافجویانه نطقندن و آلمانیا ایله انکلتزه آره سنده کی مناسباتدن بحث ایتدیکی صروده بو مناسباتده اسلامیتک نه کی بررول اوینادیغنی آتیده کی صورتده ایضاح ایتکده در : « داخلاً ضعیف بولان هر حکومتک یایدینی کی روسیه ایچون دخی کسب وسعت ایتک احتیاجی موجوددر . بوندن طولانی سیاستده شمدی یه قدر تعقیب ایتدیکی طریقندن بشقه بر طریق اختیار ایتسی لازمدر . نصل بر طریق اختیار ایده جکدر ؟ بو خصوصده انکلتزه نك پولتیقه سی اجرای تاثیر ایده جکدر .

بومسئله ده بالقان شبه جزیره سنک بر رول اوینایه جنی آشکاردر . شرقده ظهور ایده جک بر بحر ن انکلتزه پولتیقه سی ایچون پک نادر اوله رق عدم خشنودی بی موجب اولیور . یالکیزاشویقات لوندره دن ظهور ایتمه میلددر . چونکه بو تقدیرده مؤلفی فرانسه متضرر اولش اولور .

انکلتزه نك اسلامیه قارشى اولان موقعی بشقه برشکله کیرمشددر . دولت عثمانیه مشروطه زمان استبداده اولدینی کی سهولتله انتساج ایدیله بیله جک بر عنصر تشکیل ایتکده در . انکلتزه ایسه هندستانده کی اسلام تبعه سی ایچون خلافتک مظاهرتنه محتاجدر ، انکلتزه بونفوذک برده مصرده لزومی حس ایدیور . چونکه انکلتزه تکرار حیات کسب ایتکده اولان دولت اسلامیه التحاق آرزولرینی آنجق بو نفوذ ایله محو ایدیله جکدر .

انکلتزه پولتیقه سنک بواحتیاجی ، ربع عصردن بری غلادستوندن قالمه اولان و انکلتزه ایله باب عالی مناسباتنه اساس تشکیل ایدن « ترکردن تباعد » سیاستی ازاله ایتمشددر . عثمانلی انقلابی بو پولتیقه دن فراغت ایتکده مناسب بر سبب تشکیل ایتدی . مادر وطن مشروطیت اولان انکلتزه کنج ترکله قارشى عرض تمایلات ایتکده باشلادی . فقط بو دوستلق عثمانیلرده فکر اداره کسب قوت ایتدیکه ده آاز اظهار اولمغه باشلادی . انکلتزه نك مخالف اولدینی منافع اسلامیتک وحدتی ایسه کیتدیکه ده زیاده عیان اولدی . خلافتده انکلتزه نك خدمتده استخدام ایده میه جکی بر عضو حاله کیردی .

بوکون انکلتزه ایچون هر آرزوسنه روی رضا کوسترن برخلافت همان بر مسئله حیاتیه شکلی آلمش کیددر . انکلتزه نك آرزولرینی اجرادن امتناع ایدر ایسه انکلتزه نك مسلکینجه اوزمان دشمن عد ایدملی و محوینه جالش میلددر . انکلتزه نك دولت عثمانیه یه قارشى بوکونکی طور وحرکتی بومرکزده در .

صوک زمانلرده انکلتزه طرفندن خلافتی ده قوللانیشلی اللره تودیع ایتکده تشبث ایدلمشددر . بونک ایچون خدیوک اجرای حج ایتسی موقع صحه یه وضع اولنمشدر . عینی سبدن طولانی امام یحیایک یمنده کی اجرا آتی انکلتزه طرفندن مظهر حمایه اولدی . بونلرک اجراسنده کی فکر ، اداره اصلاح ایدلمه مش اولان عربانی ده زیاده حائز انتظام بولان عثمانیلغه فائق قیلمق ایدی .

بو پلانده موفقیت حاصل اولسه ایدی ، عالم اسلامیتک اداره معنویه سی انکلتزه یه تابع اللره دوشسه ایدی اوزمان انکلتزه اوروپا پولتیقه سنده ده زیاده شدتله حرکت ایده بیلر ایدی . بونک ایچون دولت عثمانیه نك دوچار ضعف ایدلمسی انکلتزه پولتیقه سنده الزم کورولیور ؛ روسیه یه ترتب ایدن وظیفه ده بودر .

بو پک عاقلانه دوشونلش بر حسابدر . روسیه هنوز ژاپون محاربه سندن صوکره تمامیه اعاده قوت ایده مه مشدر . کچن قیش انناسنده صربستانک فدا ایدلمسی شرقده کی عناصر خرسستیانیده فنا بر تاثیر حاصل ایتمشددر . کریدده یونانستانک عدم موفقیتی ایسه بو تأثیری تقویه ایتمشددر . پانسلاویزم بر موفقیت الله ایتک ایچون فرصت آرامقده در . بونک ایچون کنديسنه اک مساعد فرصتلی شرقده کورمکده در .

آوستریا حکومتی بوکون بالقانده ظهور ایده جک مناقشاته اسکینسندن ده آزلاقیدی ایله عطف نظر ایده بیلر . دولت عثمانیه نك متضرر اولمسی و یا خود تقسیم ایدلمسی آوستریانک مداخله سی اولدن هیچ بر زمان قابل اوله ماز . دولت عثمانیه نك دوام و بقاسنده آلمانیا نك پک زیاده منافعی وارددر . ترکیه نك محوی وعینی زمانده انکلتزه نك تحت نفوذنده برخلافت تأسیسی انکلتزه - آلمانیا محاربه سی ایچون باشلیجه بر سبب تشکیل ایدر .

صوک زمانلرده باب عالینک اتفاق مثله داخل اولمسنندن بحث ایدلدی . بو ظهورات روسیه نك اقضای شرقدن تباعد ایتمسنندن حاصل اوله جق نتیجه لری و انکلتزه نك تعقیب ایتدیکی شرق پولتیقه سنک در سعادتده ایجه مطالعه ایدلمکده اولدینی اثبات ایتکده در .

آلمانیا ایله آوستریانک ، بالخاصه آلمانیا نك دولت عثمانیه ایچون روسیه ایله اختلاف چیقارمسی هیچ بر کیمسه خاطرینه بیله کتیرمز . منتظر اولان برشی وار ایسه اوده آلمانیا نك استقبالده قطعی بر صورتده و هیچ بر کیمسه نك ضررینی و یا خود فائده سنی موجب اولیه رق آوستریا ایله بر اولان کندی منافعتک امر ایتدیکی طریق اختیار ایتسیددر . بوندن شرق پولتیقه سی ایچون نه کی نتایج حاصل اوله جنی معلومدر . شرقده آوستریا منافعی التزام ایتدی کمز حقنده بزه مکرراً